



UDRUGA SPORTSKIH RIBOLOVACA ” V I T E Z

žiro račun: UniCredit Banka BH: 3382502200395477 • ID br.:4236178890008 • info@usrvitez.ba • www.usrvitez.ba
mob: 063/809-145 predsjednik, 063/471-408 tajnik, Rijeka br.22 Vitez • 72250 Vitez • Bosna i Hercegovina

Na osnovu Pravilnika o načinu, alatima i sredstvima kojima se obavlja ribolov donešen od strane federalnog ministra poljoprivrede, vodoprivrede i šumarstva kao i na osnovu Satuta Udruge sportskih ribolovaca Vitez, član 11. , Upravni odbor USR “Vitez” iz Viteza na drugom sastanku održanom dana 09.02.2019. godine donosi:

ODLUKU

o režimu ribolova na ribolovnom području III – zona 3 za 2019. godinu

Stalne zabrane ribolova

1. Rijeka Lašva – MHE Vitez, iznad centrale u dužini 50 metara i ispod MHE Vitez od centrale do mosta za Etno-selo
2. Rijeka Kruščica, plodište, cijelim tokom
3. Potok Kremenik, plodište, cijelim tokom
4. Svi potoci, cijelom dužinom

Povremene zabrane

1. Kompletno ribolovno područje III – zona 3 od 01.10. - 28.02. potočna pastrmka
2. Kompletno ribolovno područje III – zona 3 od 01.01. - 31.05. mladica
3. Kompletno ribolovno područje III – zona 3 od 01.01. - 30.04. lipljen

Dozvoljen ribolov

Ribolov je dozvoljen tokom cijele godine na vještačkom jezeru MHE Vitez i to 50 metara iznad centrale pa do kaskade na početku jezera, i od Skopljaka kuća (preko puta autobusne stanice) do mosta Modrulja. U vremenu lovostaja na salmonidne vrste dozvoljen je ulov ciprinidnih vrsta.

Mušičarska staza “Ludvig Tibold” Vitez

Proteže se od Vonkovog mosta u Starom Vitezu nizvodno u dužini 900 metara. Propisani način ribolova je mušičarenje i to po propisanom pravilniku na mušičarskoj stazi “LT”. Upotreba meredova je obavezna. Ribolov se vrši na način uhvati i pusti i vrijedi za sve autohtone salmonidne vrste riba rijeke Lašve. Staza je namjenjena za treninge, takmičenja, te kao dio rijeke pod posebnim nadzorom u cilju zaštite ribljeg fonda i pospješenja prirodnog mrijesta zbog izgradnje niza MHE. Godišnje dozvole članova vrijede i za mušičarsku stazu uz obavezno poštivanje pravilnika o načinu ribolova na mušičarskoj stazi. Za goste se izdaju dnevne dozvole za salmonidne vode izdate od strane SRS FBiH i vrijede za cijeli tok rijeke Lašve uz poštivanje pravilnika o ribolovu.

NAPOMENA

Obzirom da je rijeka Lašva salmonidna voda, molimo da se pridržavate člana 9. “Pravilnika o načinu, alatima i sredstvima kojima se obavlja ribolov” koji glasi: **Sportsko-rekreativni ribolov salmonidnih vrsta riba (svih vrsta pastrmke, mladice, glavice i lipljena) smije se obavljati samo s jednim ribolovnim štapom. Ribolovni štap iz stava 1. ovog člana smije imati najviše jedan umjetni mamac (mušicu ili varalicu), bez utega.**

Napominjemo strogo je zabranjena upotreba svih mamaca prirodnog porijekla, kao i upotreba lajnera (tirol-holz).

U vrijeme lovostaja na potočnu pastrmku dozvoljena je upotreba vještačkih mamaca minimalne dužine 15 cm ili vještačkih leptira i kašika od broja 5 na više.

vrsta riba	lovostaj	min. dužina	dozvoljeni dnevni ulov
Potočna pastrmka	01.10. -28.02.	25 cm	3
Kalifornijska pastrmka (alohotna vrsta)	Nema	Nema	3
Mladica	01.01. - 31.05.	70 cm	1 dnevno, maksimalno 3 godišnje
Lipljen	01.01. - 30.04.	30 cm	1
Ukupni ulov	<i>Maksimalni mješoviti dnevni ulov salmonida (1 lipljen i 2 potočne pastrmke) je 3 komada. Kalifornijska pastrmka se ne računa u dozvoljenu dnevnu kvotu.</i>		
UPOZORENJE: Na mušičarskoj stazi “LT” ribolov se vrši na način “uhvati i pusti” i vrijedi za sve autohtone salmonidne ribe : potočna pastrmka, lipljen i mladica			

Ribolovne dozvole (na ribolovnom području III – ribolovna zona 3 USR Vitez)

1. Članovi USR Vitez – godišnja dozvola 40 talona, vrijede i za mušičarsku stazu “LT” po propisanim pravilima UO USR Vitez
2. Ribolovci iz udruženja koja ne pripadaju SBK/KSB – 20 KM dnevna dozvola za salmonidne vode (ukoliko nije ostvaren sporazuma sa USR Vitez)

(dnevne dozvole za ribolov na otvorenoj vodi i mušičarskoj stazi vade se u ribarskoj kući na mušičarskoj stazi svaki dan – 065/052-404)

Ribolov se ne može započeti bez popunjenog talona za taj dan ili izvađene dnevne dozvole. Vrijede samo dnevne dozvole izdate od SRS FBiH.

Napomena:

Svi ribolovci koji se zateknu u ribolovu bez dozvole, naplaćuje se 20 KM dnevna dozvola. Za svaki vid krivolova, ribolova nedozvoljenim sredstvima, ulova ispod mjere ili prekobrojnog ulova, kao i odbijanja kontrole od strane ovlaštenog lica ili ovlaštene volonterske ribočuvarske službe, bit će podnijeta prijava nadležnim organima.

Kod ovlaštenog ribočuvara na vodi je moguće dobiti isključivo dnevne dozvole od 20 KM izdate od strane SRS FBiH.

Sve informacije se objavljuju na web stranici **www.usrvitez.ba** i facebook fan page Udruge.

Za sva pitanja na raspolaganju je e-mail: **info@usrvitez.ba**

Telefoni: **Ribočuvár:** 065/052-404, **Predsjednik:** 063/809-145, Tajnik: **063/288-500**



Upravni odbor USR Vitez